


www.BibleForChildren.org


Mathêu 26



Tadràu hì adroi
ca Lè Lam Cwa,
Chuaq Jêxu trùh
'Bê-tha-ni, aih nòi
La-xa-ru, mangai ma khoi
cachit ma Chuaq Jêxu broq
haq rìh hlài. Jò cô, Mari yǒc
mòiq 'ne kìq jreo xua
thùm canaq dìq jaq, ùc ta
jènh Chuaq Jêxu. Khoi ca aih,
haq yǒc dèh xác xùt jènh Chuaq.
Dìq ca hnem jah xua jreo cô.



Ổi ta 12 ngai, mangai hỏc tiaq, i mòiq ngai hiniq haq
Juđa Ich-ca-ri-ôt trùh ta nòi 'bài pajàu ha'nhèq ðòi q blòq
Chuaq Jêxu. Wì lem bùi jò wì tàng
bìac aih. Wì hùaq am ca haq
'bac. Khoi èh, Juđa gòm trùh
i jò ta'nàih jah blòq Chuaq.



Mangai hǒc tiaq broq tiaq bàu
Chuaq Jêxu, padon dahwèq caq
lè. Jò 'nang caq, Chuaq Jêxu yǒc
'benh manè apôi, èh goh am ca
mangai hǒc tiaq. Haq doi: "Yǒc caq
beq. Cô chac Au." Haq yǒc doi
chrǒng, manè apôi, èh am ca
mangai hǒc tiaq. Haq doi: "Dìq ca
pì ôq beq. Cô mahem Au,
mahem da bìac
wêh jao ma neo,
khai ùc 'noh ðòiq
jah baxǒng tôiq
ca bàc ngai."



Chuaq doi: "Simôn ôi, Simôn ôi, cô kiac Satan bòch ùm pì, tìah ca ùm 'mau mì. Mahaq Au khoi waiq khàn ca ìh đòiq manoh lùì da ìh ùh tadroq. 'Màng aih, trùh jò ìh khoi jah dêh hlài, thê ìh broq ca oh daq ìh jah cajap."
Pêtrô doi: "Chuaq ôi, 'nhac ca au ỏi tù, loq au cachìt, xôq au tiaq ìh."
Mahaq Chuaq Jêxu têu: "Pêtrô ôi, Au doi ca ìh: Hì cô, jò ia 'nhòq rống, ìh khoi hangah piq yàng ùh 'nì ca Au."



Khoi èh, Chuaq Jêxu wa mangai hõc tiaq lam trùh ta wùan Ghêt-sê-ma-nê. Haq doi: "Ha'ngui gòm Au jang cô. Au lam waiq khàn jang tau." Haq doi hòm: "Aba, waiq Baq, ìh broq jah rìm bìac. Xìn ìh dõih doi chrõng cô khoi ca Con, mahaq ùh tiaq manoh Con, mahaq tiaq manoh enh Baq."



Juđa 'ràng jèn 'bài linh wa mangai rap ma wì pajàu càn
wa mangai Pha-ri-si thê lam tiaq haq, mùt ta wùan. Wì
haq wê hadrêu wa ranac tajêh. Ta wì mangai
hồc tiaq i mòi q ngai yốc chang pốt catech
ca don pah 'ma linh da pajàu ha'nhèq.
Mahaq Chuaq Jêxu doi: "Hêq,
paq jêh hòm." Hi khoi, Haq
yốc tì bèq don hapống aih;
don haq hi jah brêh hlài.



Khoi ca rùp Chuaq Jêxu, wì 'nong Haq lam, 'ràng Haq ta hnem pajàu ha'nhèq. Pêtrô ta'yoï tiaq enh cloh. Jò aih i wì baxù ùnh ta'ne xàn hnem. Wì haq ha'ngui 'nhìa ùnh ti dabau.




Mòiq ngai hapǒng pajàu
ha'nhèq, oh daq ca
mangai ma Pêtrô khoi
pǒt don haq, doi:

“Au khoi hnoq ìh ǒi
pajùm ca Haq ǒi ta wùan,
joq ùh?” Mòiq yàng hòm,
Pêtrô hangah doi: “Ùh!” Tajòi
'mòi ia rǒng. Pêtrô drah cadàu
loh enh gùng, hmoi ua-ac.




Khoi èh dìq ca wì ma pajùm yòng,
'ràng Haq ta hnem Philat, tình trùang
Rôma. Philat bòch Haq: "Ìh Bùa
Mangai Yothaiq joq ùh?" Chuaq
Jêxu têu: "Màng ca bàu ìh khoi
doi." Philat i manoh enh
ca'naih Chuaq Jêxu, dài
haq doi hòm ca mangai
jàn, mahaq wì cachech bàu
dêh: "Tiang ðình Haq ta


long pagat beq! Tiang ðình
Haq ta long pagat beq!"




Khoi èh, haq am ca wì Chuaq Jêxu
waq ca wì tiang ðinh Haq. Wì rùp
Chuaq Jêxu hi 'nong Haq lam. Haq
xùi dèh long pagat trùh ta nòi Cadôh,
bàu Yothaiq doi, Gô-gô-tha.



Wì tiang ðình Haq ti aih. I baiq ngai ma
'noi q hòm hadai 'bìq tiang ðình troi Haq,
mòi q ngai mòi q apah,
Chuaq Jêxu ỏi ta'ne.



Plình loh ca clam clôiq. Bai prình ta Hnem Cùh Waiq
loh ca dahich trong 'ne loh baiq apah. Chuaq Jêxu creob
bàu dêh doi: "Baq ôi, Con jao đeh mahua ta tì Ìh!"
Capoch bu hêq, Haq pat hihêm.



Jôsep, mangai A-ri-ma-thê, mòi q
ngai ta 'bài mangai broq càn ỏi
ta jàn Juda. Haq hadai
mangai gòm canòm ca
Diac Boc Plinh. Haq
hùa lam trùh glàm
Philat đòiq xìn
hanang Chuaq
Jêxu.

Jôsep khoi rớt bai
briang lem. Haq yốc
'noh xom hanang
Chuaq Jêxu, khoi èh,
đòiq Haq ta ralùng
hanang khoi pùng ta
hmu. Hi khoi, cadre
mòi q toq hmu càn gúp
anòi ngah ralùng.



Trùh hì da èh, aih atìq ca Hì Padon
Caq Lè, wì pajàu càn wa mangai
Pha-ri-si lam trùh ti Philat
doi: "Tình Trùang ôi, nhèn
hmàng hlài bàu Mangai
loq amòng cô, jò Haq
õi rìh, i doi: 'Atìq ca
piq hì, Au jah rìh
hlài.'"



"Màng aih wì lam broq teo hadro
jang 'mang ralùng, èh thê
mangai lình wèq cajap
dìq jaq."




Atìq ca hì Sabat, hì gàu tùang lè, xröih
xroq bu 'ngah, i Mari Ma-đò-len wa
Mari ma 'noi q lam hmàih ca
ralùng. Ta'ngàc jang cô i
taneh dalàc dèh dìq jaq,
taiq i mòi q 'bình plình
Chuaq loh enh plình
lam ca cadre hmu,
hi khoi ha'ngui
enh
'nhèq


ca hmu aih. Hnoq
'màng aih, 'bài
mangai lình ma wèq
ralùng yùq crè loh
ca tarìt, bu dàng
mangai cachìt.




Mahaq 'bình plình aih doi ca wa gu
cadri aih: "Chôp apaq yùq. Au loq
chôp chaq Chuaq Jêxu,
Mangai khoi chiuq tiang
đình ta long pagat. Haq
ùh i ỏi ta cô. Haq khoi
rìh hlài tìah ca bàu
Haq khoi doi ca pì."




"Lam ngan nòi wì ma òiq hanang
Haq beq, èh lam ma renh doi
ca mangai hỏc tiaq Haq loq,
Haq khoi rìh hlài enh can
cachit."



Wa baiq ngai gu cadrì aih cadàu loh khoi
enh nòi ralùng, rai manè, rai yùq crè,
cadàu lam doi ca 'bài mangai hõc
tiaq loq. Chuaq Jêxu glàm wa gu
cadrì aih, Haq doi: "Bùi ta
manoh beq!" Wa trùh ti Haq,
oc jènh Haq rai cùh waiq Haq.





Atìq ca aih hòm, Chuaq Jêxu patô dađeh ca 12 ngai, mangai hõc tiaq 'nang ha'ngui acaq. Haq lech ca wì taiq manoh wì cadoq, taiq wì ùh lùì Haq khoi rìh hlài, ma jah 'màng aih wì ùh lùì 'bài mangai ma khoi hnoq Haq khoi rìh. Khoi ca Chuaq Jêxu doi dìq bàu aih, Haq tõi ta plình. Haq ha'ngui pah 'ma Boc Plình.



"Taiq Boc Plình loq waq ca mangai òi
crõng taneh trùh 'mòi Haq khoi am ca
wì Con Mòi q da Haq, waq ca mangai
leq lùì canòm ca Con aih, ùh hnhung,
mahaq jah i can rìh hloi hloi."



Rôma 3:23 taiq rìm ngai khoi broq tôiq, ma jah khoi xùch
jrùh đac ca can 'ngah 'ngai lem da Boc Plình,

Rôma 6:23 Ma jah 'màng aih cùng baha da tôiq lôl aih can
cachit, mahaq bìac am dech da Boc Plình aih can rìh hloi
hloi ta Chuaq Jêxu Crich, Chuaq bèn.

Hêbru 9:27 Tiaq troi khoi pajaq ca con mangai ep cachit
mòiq yàng, atiq ca aih ep chiuq bìac hadrah,

Ê-phê-sô 2:8,9 Taiq nhò bìac am dech, pì ma jah dèch
claih nhò manoh lùl. Bìac aih ùh xài trùh enh pì, mahaq
bìac da Boc Plình hnhu am. Aih ùh xài bìac cla pì broq jah,
waq ca ùh cabô jah catèh dađeh,



Rôma 10:9,10 Tàng hacùng ìh doi Chuaq Jêxu, aih Chuaq wa manoh ìh lùì Boc Plình khoi broq Haq rìh hlài enh mangai cachit, èh ìh jah dèch claih. Ma jah 'màng aih mangai leq lùì ta manoh èh jah ta-atoq wa anoi hloh xam hacùng doi dađeh lùì, aih jah bìac dèch claih.

Jon 3:16,17 "Taiq Boc Plình loq waq ca mangai òi crống taneh trùh 'mòi Haq khoi am ca wì Con Mòi q da Haq, waq ca mangai leq lùì canòm ca Con aih, ùh hnhung, mahaq jah i can rìh hloi hloi. Ma jah 'màng aih, Boc Plình thê Con Mòi q da Haq trùh ta crống taneh, ùh xài thê Haq hadrah ta'mòq tôiq, mahaq waq ca wì canòm Haq đòiq jah dèch.



1 Jon 5:11-13 Bàu anoi hlài aih 'màng cô: Boc Plình khoi am ca bèn can rìh hloi hloi wa can rìh aih ỏi ta Con Haq. Mangai leq i Con èh i can rìh. Mangai leq ùh i ca Con Boc Plình èh ùh i can rìh. Au achìh bìac cô ca pì, mangai lùì hiniq Con Boc Plình, waq ca pì loq joq 'nàng dađeh i can rìh hloi hloi.



Mathêu 26-28; Luca 22-24; Jon 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Hre Bible (hre) © 2019 WEC International

<https://www.bible.com/bible/2512/GEN.1.HREB>

©2026 Bible for Children, Inc.

www.M1914.org

www.bibleforchildren.org

